



Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 – prečišćeni tekst, brojevi: 17/20 i 24/20), Skupština Brčko distrikta BiH na 6. redovnoj sjednici održanoj 14. marta 2021. godine, donosi

O D L U K U
O PODUZIMANJU AKTIVNOSTI NA IZNALAZENJU RJEŠENJA OKO IZGRADNJE
NOVOG MOSTA BRČKO/GUNJA PREKO KORITA RIJEKE SAVE

Član 1

Ovom odlukom Skupština Brčko distrikta BiH ukazuje na nužnost izgradnje mosta Brčko/Gunja preko korita rijeke Save i iniciraju se aktivnosti za poduzimanje radnji i iznalaženja rješenja oko izgradnje novog mosta.

Član 2

Zadužuje se gradonačelnik Brčko distrikta BiH da uputi pismo namjere Vijeću ministara Bosne i Hercegovine koje će sadržavati:

- poziv Vijeću ministara Bosne i Hercegovine da pokrene aktivnosti i ostvari komunikaciju s nadležnim institucijama Republike Hrvatske u vezi s realizacijom projekta izgradnje novog mosta Brčko/Gunja preko korita rijeke Save,
- namjeru sufinansiranja izgradnje dijela mosta koji će pripadati BiH,
- prijedlog lokacije,
- spremnost Brčko distrikta BiH za saradnju u izradi studijsko-planerske i tehničko-projektne dokumentacije.

Član 3

U svrhu realizacije ove odluke gradonačelnik Brčko distrikta BiH će imenovati tim za implementaciju, a koji će se sastojati od:

- po jednog predstavnika iz vladinih odjela: Odjel za javnu sigurnost, Odjel za javne poslove i Odjel za prostorno planiranje i imovinskopravne poslove,
- predstavnika JP „Putevi Brčko“,
- predstavnika Zavoda za planiranje, projektiranje i razvoj.

Član 4

Neurošeni iznos sredstava koji je utvrđen u članu 5 Odluke o povjeravanju vanrednog održavanja/rekonstrukcije mosta Brčko/Gunja na M14.1 BiH/DC 214 RH, preko korita rijeke Save Javnom poduzeću „Putevi Brčko“ d. o. o. Brčko distrikt BiH, broj: 01-02-761/19, od 18. 12. 2019. godine, u slučaju potrebe koristit će se za sufinansiranje izgradnje novog mosta Brčko/Gunja preko korita rijeke Save.

Član 5

U slučaju potrebe za uređenjem okoline mosta na strani Bosne i Hercegovine u pogledu pristupnih prometnica i drugih površina namijenjenih za funkcioniranje graničnog prijelaza, daje se saglasnost JP „Putevi Brčko“ d. o. o. Brčko distrikt BiH, da kroz procedure javne nabavke provede takve aktivnosti.

Član 6

(1) Ova odluka stupa na snagu prvog idućeg dana od dana objavljivanja u Službenom glasniku Brčko distrikta BiH.

(2) Stupanjem na snagu ove odluke, stavlja se van snage Odluka o povjeravanju izgradnje mosta Brčko/Gunja preko korita rijeke Save Javnom preduzeću „Putevi Brčko“ Brčko distrikta BiH broj: 01-02-1030/21 od 24. 2. 2021. godine.

Broj: 01-02-1768/21
Brčko, 14. 4. 2021. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Vijeću ministara Bosne i Hercegovine
- 5) Kancelariji koordinadora pri Vijeću ministara Bosne i Hercegovine
- 6) Odjeljenju za javnu sigurnost
- 7) Odjeljenju za javne poslove
- 8) Odjeljenju za prostorno planiranje i imovinskopravne poslove
- 9) Zavodu za planiranje, projektovanje i razvoj Brčko distrikta BiH
- 10) JP „Putevi Brčko“ Brčko distrikt BiH
- 11) Sektoru za koordinaciju politika i opće poslove
Odsjeku za opće poslove
- 12) Arhivi